

欽定中樞政考

欽定中樞政考目錄卷之七

八旗

儀制

行營隨從之副都統等穿旗分馬褂

京外文武各大員於陞補後更換頂帶定例

朝會班聯

旗員上

朝

朝賀不到

朝賀約束閒散跟役

朝會跟役擁擠

瘋疾官不許上

朝

詐稱上

朝

御門典禮

慶賀命婦不到

奏派稽察齋戒

旗員齋戒

稽察齋戒

齋戒造冊

祭祀齋戒不到

漏註齋戒大臣事故

陪祀大臣官員准帶跟役額數

旗員迎送

外省來京大臣官員一體陪祀行禮

輪班奏事班次

欽定大清會典事例 卷一百一十一  
旗員理事儀注

紫禁城上馬下馬定制

紫禁城禁止多帶跟役及坐褥等物

穿用朝服

服色僭越

降革留任官員准用朝服頂帶

錯用帽頂補服坐褥

錯用頂馬踢胸

容取佩帶朝服簪珥

兵丁服色俱崇儉樸

署任大臣謝

恩分別一月內外

官員謝

恩

協領記名具摺謝

恩

將軍都統副都統

勅書

欽定中樞政考

卷七

目錄

三

各省將軍戴翎

善射鴿人等戴翎

西北兩路換班官員戴翎

改寢人旗總管戴翎

獻爵官員戴翎

軍前獎賞翎枝

王等不准僱募轎夫

貝勒等不准乘轎

外省將軍等不准概行坐轎

將軍副都統眷屬赴任毋許坐轎

將軍都統副都統不准請給鞍馬

各省將軍都統來京隨帶弁兵

都統副都統等官跟班

將軍副都統親隨跟班兵丁定制

將軍都統副都統隨帶兵丁

祭祀日期停止操演

奉祀礮神

護送貢使



全方...  
押送貢物

儀仗失損

紅白等事服用違例

居喪婚娶

喪儀不到

行營隨從之副都統等穿旗分馬褂

嘉慶七年三月內奉

旨從前凡行營隨從之都統副都統等皆係各穿該管  
旗分馬褂特爲分別旗分顏色使管轄之處彰明較  
著之意今漸不穿用有失舊制此次暫且勿庸改換  
外今歲七月前往避暑山莊併嗣後行營隨從都統  
等不必穿本旗馬褂再已賞過黃馬褂之副都統等  
著仍穿所賞馬褂其餘副都統等仍照舊制各穿旗  
分馬褂著爲令欽此

京外文武各大員於陞補後更換頂帶定制

嘉慶十一年三月內奉

上諭京外文武各大員於陞補後更換頂帶之處前經大學士等會同該部詳議具奏業經降旨通行所有在京各員一經謝恩瞻叩自應卽將頂帶更換以符體制乃新授盛京禮部侍郎成格於上月二十九日降旨補放後次日朕由南苑進宮時該侍郎已於道旁叩頭謝恩迨至本月初一日召見之時尙未更換頂帶當經詢以因何不換頂帶之故據稱因未蒙召

對是以不敢遽換頂帶等語殊屬拘泥糊塗叩頭謝  
恩卽係見面與宮中召對何異試思在京補放人員  
往往有具摺謝恩不白召見或隔至數日始行召見  
者豈避之久均不更換頂帶乎嗣後在京各大員  
凡遇加恩陞補其應行遞摺謝恩豫備召見者若於  
是日召見應俟召見後更換頂帶若得旨後先經在  
道旁叩頭謝恩者卽當於叩頭後更換頂帶庶俟  
至召見後至遇朕巡幸之時其前來行在具摺謝恩  
豫備召見者應均照此行如有降旨不令前進行等

者亦著於奉到發回謝恩摺時一律更換頂帶此外京員內有具呈代奏謝恩者並著於奏聞後即將頂帶更換至外省各大員於奉到部文後應行具摺謝恩來京陛見如准令來京自應於瞻覲後更換頂帶其有旨且緩陛見者並著於謝恩摺批迴後卽行更換頂帶以昭定制而示遵守將此通諭知之欽此

道光二年四月內奉

上諭近來京外各官遇有遞擢皆於召見及接奉批摺後始換陞銜頂帶本非舊制嗣後京外陞任人

員京官俟奉有諭旨外官俟接到部文後著卽換  
用陞銜頂帶欽此

朝會班聯

一凡遇典禮上

朝及常

朝日期齊集坐次公侯伯都統步軍統領子爵及  
凡一品官爲頭班前鋒統領護軍統領副都  
統勇衛及凡二品官爲二班步軍翼尉王府  
長史前鋒參領護軍參領驍騎參領頭等侍  
衛護衛輕車都尉及凡三品官爲三班步軍  
協尉前鋒侍衛副護軍參領副驍騎參領佐

領司儀長二等侍衛護衛騎都尉及凡四品  
官爲四班三等侍衛護衛雲騎尉步軍校及  
凡五品官爲五班前鋒校護軍校親軍校驍  
騎校及凡六品官爲六班恩騎尉及隨旗上  
朝之七品官爲七班八品官爲八班九品官爲九  
班隨旌行走官員照原在部院衙門職掌品  
級降級上

朝官員墜所降職品降革留任官員照留任品級  
有兼銜者班次照大銜者該都統副都統



查出指叅將該員察議如該管大臣不行叅  
奏者亦分別察議

例載處分則  
例儀式門

旗員上

朝

一八旗武職官員大節及常

朝日上

朝外每月初一初二十日具補服於

午門外分翼坐班逢元旦節上元節

萬壽聖節凡八旗官員各按次於

午門外列坐按期各旗派出世襲三品以上大員

二員率領分翼起坐春夏以卯正秋冬以辰

正爲坐班之時仍於前二日將上

朝官員及有事故不能入

朝各官姓名分晰造冊咨送禮部都察院稽察至  
期備具職名如遇三大節八旗大臣合驍騎  
校等投遞其餘各官及常

朝日俱親赴

兩掖門前投遞然後入

朝照依鴻臚寺所設紅漆木牌豫先按次排班照  
品序立員珠成行至行禮後各歸本班侍立

毋得參差斷續錯綜違者題參

朝賀不到

一官員恭遇

皇上陞殿與

大慶賀及迎接

詔書有失誤不到所司已接各衙門知會不行傳知

并接

駕不到及每月常

朝不到至

朝賀齊集官員有班行不正跪立不齊者俱分別

察議派出稽察官不行查察者其處分並同

例載處分則

例儀式門

朝賀約束間散跟役

一凡遇

朝賀齊集之時看守

午門

端門

闕門各官不將間雜書役人等攔阻聽其混行出入者查由何門出入將該門官察議至坐班行禮之時該旗派出護軍營護軍將官員跟役盡行逐出如有不行逐出者將護軍營該

管章京并跟役之主俱察議

例載處分則  
例禁衛門



朝會跟役擁擠

一凡

壇

廟祭祀

聖駕出入併

陛殿之日官員跟役肆行喊叫爭競將聚集官員衝  
突擁擠者拏送該部杖一百平常

朝會之日官員跟役肆行喊叫爭競將聚集官員  
衝突擁擠者交該部杖六十其主俱分別察

議例載處分則至在內執事人併大臣侍衛

之跟役犯者俱各交與該管大臣衙門治罪

瘋疾官不許上

朝

一官員染有瘋疾者該管官令伊親屬看守雖  
報稱已愈仍須確實查驗一年後果已痊愈  
方准上

朝其

大內監工與看守

紫禁城之處雖瘋疾痊愈永不差遣在外差使仍  
行差委若瘋疾雖愈未過一年令其上

朝及瘋疾痊愈派令

大內監工與看守

紫禁城者該管官察議

例載處分別  
例儀式門

詐稱吐

朝

一官員未經上

朝詐稱上

朝并捏供同上

朝之官及已註病不在家者查出俱分別察議例

處分則例

儀式門

御門典禮

嘉慶十八年十月內奉

上諭嗣後宮內圓明園值御門典禮內閣學士宣本大學士承旨時御前大臣及御前侍衛俱毋庸退下著爲令欽此

旗員齋戒

一凡遇齋戒日期八旗公署俱設齋戒牌遇

兩郊大祀山太常寺先期奏明知會於齋戒日將

勅諭牌敬謹安設

天壇

地壇

祈穀壇祀典八旗輕車都尉前鋒侍衛副護軍參領副  
驍騎參領佐領以上官員俱陪祀

太廟

社稷祀典八旗前鋒叅領護軍叅領驍騎叅領輕車都尉以上官員俱陪祀凡陪祀官員俱在本署齋戒其無公署之王等領侍衛內大臣內大臣散秩大臣及

御前侍衛等俱在

紫禁城內齋戒至

朝日

夕月

歷代帝王廟等祀前鋒叅領護軍叅領驍騎叅領輕



壇  
車都尉以上官員俱陪祀各在木家齋宿以  
上應行陪祀各官於造送齋戒冊時若有服  
制并因事故不能齋戒者該大臣查驗明確  
於冊內註明若事故不實被查齋大臣官員  
查出將該員并該管大臣不行詳查者俱分  
別察議陪祀各官豫期沐浴祭日具朝服赴

廟陪祀不許喧嘩失儀越次先散及隨從人役喧嘩違

者御史禮部等官指名題參

例載處分則  
例儀式門

稽察齋戒

一凡遇祭祀

廟齋戒之期若值一旗大臣等俱緣事故不能齋戒者  
其不齋戒之大臣內無論都統副都統令一  
員於都統署內約束齋戒官員在公所敬謹  
齋戒派出稽察大臣於晚間親往嚴查一次  
如有不據實稽察苟且塞責者察出嚴加治

罪

一凡遇

天壇

地壇

祈穀壇大祀有執事各官及三品以上大員前一日出城齋宿投遞職名其無執事及四品以下各官仍於各公署齋戒至次早豫先前往

恭遇

祈穀祀典每旗派賢能旗員各一員於祭祀前一日隨

同

欽點稽察大臣赴

壇稽察其

欽點稽察大臣及派出之旗員等一半宿於城外不

時稽察如在

壇齋宿官員有飲酒嬉戲者查出卽行叅奏

齋戒造冊

一凡遇齋戒之期由該旗印房將本旗內應陪  
祀齋戒官員職名查明咨送太常寺轉送都  
察院另造冊一本一併送太常寺存貯以備  
稽察齋戒大臣按冊稽察如該旗不豫行造  
冊移送或冊內有遺漏齋戒官員職名將造  
冊各官并已經將職名咨行而該員不行齋  
戒者俱分別察議

例載處分則  
例儀式門

祭祀齋戒不到

一應行陪祀各官若並無事故不行齋戒或已  
開齋戒職名不至齊集處或一年內三次以  
上不到并八次以上不到者俱分別議處該  
管大臣不行查出叅奏并陪祀時未及趕上  
者俱分別察議

例載處分則  
例儀式門

漏註齋戒大臣事故

陪祀應行齋戒大臣遇有出差告假等事務於冊內註明以憑查核如並不詳晰填註至奉

交議後始行聲請扣除將承辦造冊各員并覈對各員照經手遺漏及不行詳查例分別察議  
例載處分則  
例儀式門

陪祀大臣官員准帶跟役額數

一凡遇

祭祀日期隨

駕前引後扈大臣侍衛及有執事侍衛官員拜唐阿  
等俱於

午門外騎馬一品跟役三名二品跟役二名三品

以下侍衛官員拜唐阿俱各跟役一名騎馬

跟隨如有多帶跟役及無執事人等混入者

管轄大臣卽行指名題參分別治罪



旗員迎送

一凡遇

皇上親祭

壇

廟入旗不齋戒官員俱朝服於

午門前齊集各該旗派出叅領二員在

東西闕門將齊集各官識認放進照依品級班次  
豫行排列候

皇上出入時跪迎跪送其前鋒營護軍營不齋戒官

員亦一體齊集各該衙門豫期將應行迎送

王以下等官職名造冊咨送宗人府兵部併

都察院照稽察陪祀官例屆期派員收取職

名按冊校對如有無故不到者察議

例載處分則例

儀式

外省來京大臣官員一體陪祀行禮

一各省將軍以下協領以上官員來京恭遇

壇

廟祭祀及

陛殿

耕藉大典該旗將該員等職名先期開送禮部太常寺都察院至期一體陪祀行禮將軍都統列於在京都統之次副都統列於在京副都統之次協領等列於在京叅領之次如有事故

不能齊集行禮者該旗亦豫期查明填註

輪班奏事班次

一 乾隆三十四年十月內奉

上諭輪班奏事入旗分爲八班領侍衛內大臣前鋒統領護軍統領共爲一班列於八旗之次值班繁簡不均嗣後著領侍衛內大臣另爲一班列於八旗之前前鋒統領護軍統領仍爲一班列於八旗之後欽此

旗員理事禮節

一凡八旗公所辦事都統正坐副都統旁坐其  
參領副參領於副都統稍後兩旁坐佐領以  
下及散秩官員各照品級序坐有事參領副  
參領起立白事佐領以下官員俱屈一足白  
事其侍衛藍翎侍衛併騎都尉以上官員署  
理參領副參領者俱照正副參領之例行雲  
騎尉以下署正副參領者俱照佐領之例行  
驍騎校等於參領副參領前屈一足白事於

佐領前侍立白事閒散官員如有公事於都  
統副都統前男爵以上官員侍立白事輕車  
都尉以下官員屈一足白事於管理旗務之  
王入八分公前叅領以下官員俱屈一足白  
事管佐領之大臣各照品級行小京堂以及  
科道等官管佐領者照叅領之例行宗室管  
叅領副叅領佐領者在旗下大臣前俱侍立  
白事於管理旗務之王入八分公前俱屈一  
足白事其前鋒統領護軍統領在各公所辦

事前鋒叅領前鋒侍衛護軍叅領副護軍叅  
領等官及侍衛藍翎侍衛騎都尉以上官員  
署前鋒叅領前鋒侍衛護軍叅領副護軍叅  
領者俱照八旗正副叅領之例行雲騎尉以  
下署前鋒叅領前鋒侍衛護軍叅領副護軍  
叅領者俱照八旗佐領之例行前鋒校護軍  
校俱照八旗驍騎校之例行宗室管前鋒叅  
領前鋒侍衛護軍叅領副護軍叅領者俱照  
宗室管八旗叅領副叅領之例行凡八旗官



員在公所辦事如遇別旗大臣亦照見本旗  
大臣之例行倘有越分違例任意行走者聽  
該管大臣併查該御史題參將該員照違令

律察議

例載處分則  
例儀式門

紫禁城上馬下馬定制

嘉慶四年九月內奉

上諭向來朕出入西華門時隨從之御前大臣御前額駙應行紫禁城內騎馬者皆於西牌樓門階下上馬下馬若出入東華門上馬下馬俱在門外體制未爲畫一嗣後朕出入東華門應騎馬隨侍者若經由文華門前則著在東牌樓門階下上馬下馬若經由三座門夾道行走俱着在夾道門外井邊上馬下馬欽此

紫禁城禁止多帶跟役及坐褥等物

嘉慶五年閏四月內奉

上諭紫禁城四門內各王公大臣官員跟役理應於所到之處須少隨帶不可混帶多人着交前鋒統領護軍統領嚴行管束如有不遵者卽指名叅奏再景運門隆宗門內從前奏有定額今又疎懈將坐褥烟袋荷包混行帶進更屬非是竟違舊制此皆由前鋒統領護軍統領平素不以爲事所致嗣後着御前大臣亦嚴行稽查如有違者將前鋒統領護軍統領一併

奏奏治罪將此通諭永著爲例欽此

穿用朝服

一官員於應穿朝服之日不穿或違例錯穿者

察議

例職處分則  
例儀式門

服色僭越

一官兵人等服色俱有定制除

上賜許服用外如有越分僭用服色如黃色秋香色  
五爪龍緞立龍緞圍補服之類者係官革職  
係兵丁間散奴僕交刑部治罪俱將僭用之  
物入官該管佐領驍騎校叅領副叅領都統  
副都統俱分別察議領催族長鞭五十奴僕  
之主係官察議無職人鞭五十該管各官俱  
免議如平常服色有違例濫用者係官察議

係兵丁聞散奴僕鞭五十該管佐領驍騎校  
叅領副叅領都統副都統俱分別察議領催  
族長鞭二十五奴僕之主係官察議無職人  
鞭二十五該管官免議以上族長係官俱照

佐領例罰俸

例載處分則  
例儀式門

降革留任官員准用朝服頂帶

一降級留任革職留任官員朝服頂帶仍照本  
任品級穿戴



錯用帽頂補服坐褥

一官員帽頂補服坐褥各照本身現任品級不許計算加級其文武相兼之官文職大者用文職補服武職大者用武職補服文武品級相等者仍用文職補服如違并該管官知而不禁者俱分別察議若帽頂補服坐褥不相符者亦照此議處

例載處分則  
例儀式門

錯用頂馬踢胸

一官員違例僭用頂馬及馬項懸纓并該管官

知而不禁者俱分別察議

例載處分別  
例儀式門

咨取佩帶朝服簪珥

一  
大內阿哥格格等合香吉期由禮部查選八旗原配夫妻內屬相相符之婦人以供執事應用頂帽朝服簪珥數珠等物由該旗出具印文赴內務府取用用畢仍具印文繳回

兵丁服色俱崇儉樸

嘉慶五年八月內奉

旨朕三次親御箭亭閱看挑取十五善射人員其侍衛  
官員兵丁等步箭雖不甚好尙堪列等是以朕均照  
遺缺補放第思旗人技藝實屬緊要原不在衣服朕  
凡於閱看帶領引見人員亦只視其技藝人材而已  
並不論衣服乃此次挑取十五善射兵丁內不惟穿  
綢袍緞靴更有佩繫飄帶荷包者如果旗人家富  
足人人豐裕衣服俱能鮮明實屬美事朕觀之亦甚

欣悅但兵丁等每月皆賴錢糧度日焉有餘資何必  
妄費銀錢賃買衣服卽如東三省人等來京引見皆  
穿布衣布靴皮帶觀之亦頗順目卽朕在藩邸時扈  
從

皇考前往木蘭亦常服御毡衣布裙此係滿洲淳樸舊  
習自當永遠奉行至明年二十七個月朕釋服後駐  
蹕圓明園酌量閱看各營兵丁操演時該兵丁等倘  
不量其能否妄費銀錢賃買衣服以期華美有礙生  
計則轉負朕教養旗僕之至意着通諭八旗各營副

後務須各自留心演習技藝循分穿衣不必佩繫飄帶荷包斷不可仍前任意徒尙服色各宜遵行毋違

欽此

署任大臣謝

恩分別一月內外

嘉慶五年七月內奉

旨嗣後滿漢文武大臣中有派令兼署部旗事務僅在  
一月以內並非長久署理者俱不必紛紛專摺謝恩  
欽此

嘉慶七年十月內奉

旨近年大臣內每遇有派出署理部務旗務時或有奏  
遞謝恩摺或有不遞謝恩摺只在路旁碰頭者卽如

欽定中樞政考

卷七

儀制

星

昨日令弘晟署理都統事務成寬玉麟署理副都統  
事務今日弘晟成寬玉麟俱已碰頭謝恩惟成寬玉  
麟二人奏遞謝恩摺前日御前侍衛阿哈保乾清門  
侍衛富勒渾補授公中佐領時伊二人俱已碰頭謝  
恩而次日只有富勒渾遞摺阿哈保並未遞摺似此  
各由己意參差不一甚屬非是前此曾經降旨滿漢  
文武大臣有派令兼署部務旗務者若止在一月之  
內不必專摺謝恩今弘晟所署額勒登保之都統員  
缺雖大功卽日告成額勒登保尙須辦理善後事宜



豈能一月之內卽可回京交代耶阿哈保係補授實  
缺之人尤非署任可比伊等俱不遞謝恩摺實屬不  
合弘融阿哈保俱著申飭嗣後滿漢文武大臣仍當  
遵奉前降諭旨若署任計在一月之外者俱著照例  
奏遞謝恩摺欽此

官員謝

恩

一八旗及

盛京各省駐防官員陞遷調補及軍政卓異降誥

革職奉

旨從寬留任并京員奉

特旨及議敘加級紀錄者兵部及該旗該衙門開列

職名移送鴻臚寺定期傳令謝

恩如有無故逾限不行謝

恩者經鴻臚寺查恭將該員祭議

例載處分則  
例儀式門

協領記名具摺謝

恩

道光二年十二月內奉

上諭嗣後各省協領俸滿來京引見除未經記名者  
卽令回原任外其記名之員著於述旨後具摺謝  
恩以備召見著爲令欽此

將軍都統副都統

勅書

一各省駐防將軍都統及密雲山海關青州京  
口乍浦涼州成都副都統俱給坐名

勅書其餘副都統均各列職銜於將軍都統

勅書之內不坐名均由兵部揭送內閣撰給交該省

提塘領發

各省將軍戴翎

乾隆四十二年十一月內奉

上諭各省將軍向例不戴花翎必俟特賞方准戴用但提督尙有賞給花翎者將軍有統轄一省職任尙宜戴翎不必俟賞給後方行戴用嗣後補授外省之將軍原無翎者卽准其戴翎著爲令欽此

善射鵠人等戴翎

嘉慶五年八月內奉

旨本日綿恩等奏所有挑取十五善射及善騎射射鵠人等請定日期帶領引見等語從前十五善射善騎射人等俱准戴翎惟善射鵠者無翎殊不畫一著加恩嗣後善射鵠者亦照十五善射按其職銜戴翎永著爲例欽此

西北兩路換班官員戴翎

嘉慶四年五月內奉

旨富明阿額勒金布俱着賞戴花翎嗣後差往西北二  
路換班大臣俱著照此賞戴花翎欽此



陵寢八旗總管戴翎

一

陵寢八旗總管准其戴翎翼長不准戴翎

獻爵官員戴翎

一獻爵宗室覺羅官員准其戴翎凡有出差者俱不准戴翎俟回京當差時再戴如該員等挑取獻爵官後陞至三品京堂武職至副都統者俱停其獻爵毋庸戴翎

軍前獎賞翎枝

一入旗官員曾在軍前効力獎賞戴翎者陞任  
後仍准其戴用

王等不准僱募轎夫

乾隆三十年十一月內欽奉

諭旨嗣後王等如欲乘轎俱著用伊等所屬包衣人等  
不准僱募轎夫如和親王簡親王卽係用其所屬包  
衣人等擡轎有何不可如欲節儉卽乘馬亦可再應  
行坐轎大臣亦各須將所僱轎夫嚴行管束將其賭  
博禁止如再有賭博情事朕必令其嚴加議處斷不  
輕恕着交提督衙門不時嚴查一經拏獲著卽令黎  
奏欽此

貝勒等不准乘轎

一親王郡王大學士尙書等准其乘轎禁止轎夫開設賭場其貝勒貝子公都統及二品大臣卿等概不准乘轎各該衙門及步軍統領查旗御史不時嚴查如有縱令轎夫開設賭場及擅行乘轎者卽行叅奏倘各該衙門及步軍統領查旗御史不行查出別經發覺將

失於查察之步軍統領等官察議

文職各吏部武職例

載處分則

例儀式門

外省將軍等不准概行坐轎

乾隆二十二年二月內奉

上諭外省駐防將軍及綠營之提鎮出行則皆乘輿夫將軍提鎮有總統官兵之責若養尊處優自圖安逸亦何以表率營伍而作其勇敢之氣況旗人幼習騎射卽綠營中亦必以其弓馬優嫻始厯加陞用乃至大僚轉致狃于便安忘其故步此豈國家簡擢之意耶京師都統副都統旣皆乘馬而滿洲侍郎則無論年逾六旬亦俱不得乘輿卽朕巡省所至尙每日

金匱要略卷之十一  
三  
乘馬而行乃外省武職獨相沿陋習此正非宜嗣後  
將軍提鎮概不許乘輿其編設轎夫并著裁革如有  
仍行乘坐者照違例治罪可通行傳諭知之欽此

乾隆二十二年四月內奉

上諭前因外省將軍提鎮有表率營伍之責出皆乘輿  
恐致狃于便安是以特行禁止但此內有宣力已久  
之年老大員又未可一概而論嗣後如年逾七十不  
能常行乘馬者令該員自行酌量奏聞請旨餘不得  
假藉欽此

乾隆二十四年七月內奉

上諭前因外省將軍提鎮有表率營伍之責出則乘輿恐致狃于便安是以特行禁止其有年逾七十者准自行奏聞請旨近聞將軍提鎮等有因公赴京遇地方向無馬匹之處或未免拘泥難行且於本處偶值天雨不能乘騎時亦應量爲區別嗣後有似此者俱着准其乘輿但不得因有是旨輒任意乘用及役使兵丁有乖營制欽此



將軍副都統眷屬赴任毋許坐轎

乾隆五十四年閏五月內奉

上諭據恒秀奏寧古塔副都統安麟之母妻赴任時坐轎前往卽將轎夫等留住以致轎夫開場聚賭抽頭致擾旗民已另降旨交恒秀審辦矣但外省將軍副都統之眷屬赴任雖無禁止之例僅可坐車前往旣乘轎前往又不令轎夫安分守法以致開場聚賭滋生事端甚屬非是嗣後各省將軍副都統之眷屬赴任者均令坐車毋許似此坐轎前往着通行曉諭欽

此

將軍都統副都統不准請給鞍馬

一新放各省駐防將軍都統副都統等概不准  
援例奏請賞給鞍馬

各省將軍都統來京隨帶弁兵

乾隆二十九年四月內奉

上諭前因各省將軍都統等所轄弁兵濫行差遣及私  
事隨帶役使漫無節制曾經酌定額數旋以該弁等  
往來道途遠離職役或致貽誤操防因降旨概行飭  
禁今據大學士尹繼善奏稱將軍督撫等來京陛見  
祇候宮門僕從所不能到若無有職人員供其使令  
亦多未便嗣後仍著照原定額數酌帶給用但不得  
任意多派致地方營伍曠弛著通諭各將軍都統督

撫提鎮等知之欵此

都統副都統等官跟班

嘉慶四年正月內奉

旨八旗都統副都統前鋒統領護軍統領及管理各營大臣等向例俱有跟班親隨原爲公事起見以代該管大臣等宣事傳言而設非視同僕役而驅使之也自當於兵丁內挑選二人跟班今皆由驍騎校護軍校中挑選作爲親隨甚屬不合伊等品級雖微俱係職官各有應辦之事乃轉舍公務以隨大臣成何體統嗣後都統副都統等着改用馬甲前鋒統領護軍

統領及管理各營大臣等皆由前鋒護軍內各准挑  
取親隨二名跟班永不准挑派驍騎校護軍校著爲  
例欽此

將軍副都統親隨跟班兵丁定制

嘉慶五年五月內奉

旨據范建中奏擬定跟隨將軍副都統官兵額數等語  
去年曾經特降諭旨定例在京都統副都統前鋒統  
領護軍統領等祇准各挑兵丁二名作爲親隨跟班  
其驍騎校護軍校皆係職官不准作爲親隨而外省  
將軍副都統等並未定有額數今據范建中查出將  
軍副都統等親隨官兵現在竟至四五十名之多請  
酌減定擬所奏甚是但爲數尙多將軍副都統之跟



班親隨原因公務傳事傳話而設數人足敷所用乃今多至四五十名在將軍大臣等不過欲壯觀瞻而在官員則有專司之職事在兵丁則有隨時操演之技藝跟班日久本務技藝必致廢弛甚屬不合嗣後各省將軍等各准挑領催二名兵丁十名副都統等准挑領催一名兵丁六名作爲親隨跟班不准任意挑取官員跟隨將軍副都統等當恪遵屢降訓諭將所屬官兵盡心操演以底於善各期屏除崇尚虛糜之習倘經此番飭訓後將軍副都統等如有仍敢挑

取許多親隨或私令官員跟隨者一經查出必從重  
治罪斷不寬貸也欽此

將軍都統副都統隨帶兵丁

一各省將軍都統副都統陞遷調任迎送家口  
概不准私役兵丁如係因公前往他省將軍  
都統帶兵不得過二十名副都統不得過十  
五名來京

陸見將軍都統帶兵不得過十五名副都統不得過  
八名

祭祀日期停止操演

一凡遇齋戒祭祀忌辰等日八旗兵丁習射操演鎗礮俱暫行停止俟過期再行操演

奉祀礮神

一祭祀礮神時入旗漢軍旗分等將一切祭器敬謹辦理其承祭大臣內有王職名卽令王主祭如無王銜令都統主祭其奉祀礮神廟入旗漢軍一旗承辦一年每月香燭銀四兩每年二八月內擇上丙日于用一猪一羊及酒果等物值年旗分大臣帶領該旗官員會同火器營大臣官員等俱穿補服致祭其廟有應行小修之處值年旗分卽行修補倘年

久損壞應行大修值年旗分行文工部修理  
其每年春秋祭祀備辦祭品及每月香燭銀  
兩小修銀兩俱於值年旗下房租項內支用  
如不敷用於滿洲旗分支取至歲底將用過  
銀兩入於奏銷摺內具奏

護送貢使

一朝鮮貢使來京進

貢由鳳凰城城守尉於防禦內酌派明白諳練者  
一員作爲迎送官往來照料沿途撥兵二十  
名護送防範至

盛京驛站如遇店舍稀少覓房散住應於所至州  
縣內酌派妥役二三十名幫同看門巡更並  
責成城守尉協領等官留心照料前進其於  
何日可至何處由各驛豫爲報知地方旗民

各官核計日期接至搭界處所護送過界仍將交接月日呈報備案倘有貽誤該將軍等查叅將不覈計日期接至搭界處所照料護送之旗員照不按驛接替彼此互越例議處如該員不將交接日期呈報照應申不申私罪律察議若高麗人衆不安本分滋事許旗民地方官員呈報將不加約束之迎送官照約束不嚴例議處至高麗交商載運貨物如有被竊情事將該地方官照道路村庄失事



例議處其隨帶銀物遇有偷竊地方官及護  
送官均照餉鞘被失例議處所失銀物著落  
地方官並統轄專轄之各上司按股賠還該  
貢使事竣回國日由京派章京一員馳騎校  
一員兵二十名沿途護送防範如護送官查  
點看守不嚴及撥兵短少者察議如不能鈐  
束兵丁以致擾累地方者議處兵丁妄行生  
事革退交刑部分別治罪

以上例載處分  
則何部政門

押送貢物

一外國進

貢方物押送官員怠玩損壞水濕者察議

例載處分則例

郵政門

儀仗失損

一鑾儀衛儀仗有遺失者掌鑾儀衛事大臣鑾儀使冠軍使雲麾使治儀正整儀尉俱分別察議損壞不行呈明更換者該冠軍使雲麾使治儀正整儀尉俱察議

一看守

陵寢官員儀仗等物損壞不行呈明更換并有遺失者

亦俱分別察議

例載處分則  
例儀式門

紅白等事服用違例

一八旗紅白等事所用之物有違例僭越者該  
佐領驍騎校族長領催報明都統等係官參  
奏察議無職人鞭五十失察者佐領驍騎校  
察議族長領催鞭三十如族長係官亦察議  
該參領副參領都統副都統步軍統領及查  
旗各官不行稽察者俱分別察議若該都統  
副都統步軍統領及查旗各官有一處查出  
其餘俱免議

例載處分則  
例儀式門

居喪婚娶

一自齒朝之士下逮門內有生監者三年之喪終喪不得嫁娶違者奪爵褫服

喪儀不到

一喪儀齊集不到并已接各衙門知會而承辦

官不行傳知以致失悞者俱察議

例載處分則例儀式

門